



周益公文集五十七

平園續稿卷第十七



家廬陵周益公必大著



狀

謝賀生日狀

謝顛守

老逢初度彌追感於親庭誼篤鄰居乃寵貽於樂府
粲然新句賁此衰蹤調周雅之清風未懷何已歌楚
人之白雪寡和固宜

謝寄居通判丁巳

老而不死方脉慨於劬勞愛之欲生乃曲刑於褒保

穆清風而作誦祈黃耆之維祺粲群玉於西崑病眸
空拭鐻大鏞於東序俗耳彌驚愧感交懷敷宣罔既

謝路鈴路分丁巳

生我劬勞方切蓼莪之感錫公純嘏過勤黃髮之祈
高誼重於丘山正聲諧於金石穆清風之誦固知鴻
筆之有餘校明月之珠所愧衰蹤之弗稱但深銘佩
莫究叙陳

謝憲司提幹檢法贛州路分將官

教授五人共一詩壬戌

特紆厚意遠記賤生合六律以諧聲粲多儀而設醴
自慙朽邁曷稱吹噓惟傳存與獻之規且禮者往來
之訓紅羅不腆聊資碧線之抽綠綺甚華殊乏南金
之報其為感荷罔既敷陳

謝邵英德

之網

生日詩

以沉香并英
石為壽賦詩

分奇芬於海上已薰班氏之香列遠岫於憲閭更誅
謝公之句有華二美來壽一夫惟愧感之交懷豈叙
陳之能既

謝李賀州網生日詩癸亥

老矣無能豈初生之尚記粲然有接何舊好之彌隆
形妙語於篇章列多儀於香幣三復頌言之美載深

悚感之懷

謝穎州齊簽判 天覺 生日詩 癸亥

月宿南斗偶類韓公之生誦如清風過勤吉甫之作
顧乘除之何有視碩好以多慙循正則之名方悲初
度致敬恭之弊姑藉末將感悚交懷敷宣罔既

謝穎州趙路分主管提幹檢法教授生

日詩 癸亥

竊以負之六射帳未感於頽齡作者七人辱聯成於
傑句錄牽而侑酒妙香庭燎以祈年為禮既豐寄情
良厚降非正則方慙初度之名實在恭欽聊假末將
之弊其為悚荷罔既敷宣

謝鄭通判 臨 生日詩 癸亥

靈均初度之名久茲永感魏野中元之句富矣嘉言
正深饋鯉之悲乃屈屠龍之筆海沂康美盍歌別駕之
功吉甫穆然反辱清風之誦中彌積愧倒置多慙

謝黃經略王南劔鄭通判徐提幹生日詩 癸亥

揆嘉名於初度每感劬勞生上相於中元敢晞賢哲
荷高情之繾綣形善頌以慇懃歌明月之章已窺藻
思穆清風之誦更滌頌襟欣感交懷敷陳奚既

謝狀

致仕謝守倅寄居 己卯

特勤枉駕俯慶垂車傲掛衣冠阻趨榮戟
余官作屏著其為愧感罔既敷宣

謝楊守門送上冢 丙辰春

竊以岳牧下車將札神而夙駕州民上冢乃飛蓋於晨門佩謙德之加隆激懦裏而增愧

謝趙守門送 丙辰

歲時掃墓是為老之常車騎塞塗乃屈邦居之重不皇拜辱但劇懷慙

慶禮賜粟帛謝太守 己未

特枉前驅敬宣 上賜昭 二聖交歡之慶示九重優老之恩榮幸良深敷陳罔既

復少傳謝監司 癸亥正月

某祗奉新綸寵還舊秩赦過宥罪仰自 聖君之仁履枯吹生外由膚使之助緘書先暨感臆增深

益國夫人襄奉謝守倅 甲子

自頃悼亡迨茲送往疊勤芻蕘仍製薤歌前驅遠出於郊闈厚禮倍光於阡陌末言感愴難盡敷云

遠迎狀

周平公文身...
黃侍郎 艾 遠迎

丙辰秋

茲承厥直禁嚴出臨征鎮接壤喜瞻於法從齊民諒
偃於德風屬此病衰阻於廷勞先勤告至倍極馳情

趙守遠迎

茲審九重臨遣千騎鼎來屬得謝以里居阻爭先於
郊勞其為企詠難盡名言

孫侍郎 逢吉 遠迎

茲審榮剖竹符暫歸梓里屬緣老病不獲攀迎先辱
惠音弟深懷感

監司遠迎

茲承使節行按屬城方掛朝冠阻于賓謁其為企詠
徒劇襟悰

同前

茲承肅持使節行按列城屬當退屏之時阻快爭先
之觀其為愧悵罔既敷宣

張憲行 郡遠迎

茲審奉詔按刑揚帆及境既阻爭先之觀首勤告至之
文愧感良深喻言奚究

同前

恭聞使艦行按列城屬以抱病阻於納謁先勤告至

第切感悚

同前

茲審衣繡詳刑揚舡按部屬緣扼恙阻造行臺愧企
良深敷宣罔旣

葉憲遠迎

茲審某官肅振使華按行封部屬養痾於私第阻納
謁於公門愧企兼懷敷宣罔旣

葉憲改江東遠迎

茲審某官寵膺新節榮歷舊封雖快覩之未遑喜先
聲之已至為欣企罔罄敷云

新贛州張舍人貴謨遠迎

茲審某官榮擁使旌經從鄰壤雖不皇於迎謁尚有
幸於披承先辱緘封倍深感臆

前廣州趙帥時逢遠迎

茲審力辭閩寄歸奉內祠屬以卧痾阻於造謁先勤
惠翰倍切感悚

林侍郎大中被召遠迎

茲承顯膺召節已及近郊屬以卧痾阻於造謁其為
瞻企未易敷陳

胡侍郎紘遠迎壬戌秋

茲審報政番出領祠廬阜望鳳姿而在通想鷓首以
馳情先辱惠音倍深懷感

謝訪及狀

謝大守楊祕書方初到訪及 丙辰

竊以榮戟初臨身驟棲於德宇衣冠已掛迹久掃於
公門敢期貴老之仁不責致茶之禮枉旌旗於嚴戶
實慙杜甫之才置薤水於漢陽空效仕棠之意其為
愧感罔既敷宣

大守初到任謝訪及

竊以簞虛填道傲寰刺史之帷轡蓋及門首訪野人

之室荷撝謙之有甚念往拜之無從愧悚交懷敷宣

罔既

賀禮上 丙辰春

恭審寶龜獻兆銀菟分符條教一新士民胥悅屬樓
疴而掃軌阻挾刺以登門欣頌攸深名言曷既

再謝訪及

茲承消選剛辰肇開盛府自惟野老燕賀厦以末由
誰謂邦君鴈及門而至再深認執謙之德難逃失禮
之譏感與愧并意非言盡

楊守任滿訪及 丙辰

初聞解組便合曳裾正慙旅力之慙反辱高軒之過
其為感激未易敷云

趙守除廣東憲訪及

茲承榮解舊麾光膺新節特勤寵顧倍激感悚

皇子誕生謝守倅訪及

恭以元子挺生普天賴慶先勤寵顧倍激感悚

俞漕訪及

茲承升華內閣易節外臺寄委益隆士民交慶特勤
寵顧倍激感悚

趙守謝批考訪及

茲承已書上考行踐中臺阻慶黃堂特勤阜蓋其為
欣感豈易敷云

鄭倅權州謝雨訪及

竊以一雨隨車方謹耳澤雙旌枉駕更誦清風佩謙
德之有加激感悚而無數

倅友印訪及

茲審消辰洗印決境均懽已掛朝冠阻趨公屏其為
欣愧交集襟悰

同前

茲審消辰惟吉洗印云初坐阻造門首勤迂趾永言
欣感交集襟悰

倅交割訪及

茲承榮解印章寵臨蓬華感執謙之過厚愧修慶之

未由

同前

茲承貳政成功四民交慶阻脩漫刺特辱水銜愧感
交懷敷宣罔既

路鈴交印訪及

茲承撰良洗印擁騎過門屬以抱病阻於展慶其為
欣感罔既敷宣

同前交割訪及

茲承榮解印章言歸殿陛水御寵逮感臆良深

同前

茲承俶解印章將趨環衛賁存斯厚欣感交懷

倅權郡訪及

茲審譽高半刺榮領左符坐阻造門首勤飛蓋其為
欣愧交集襟悰

同前

茲承就領郡章阻干賓賁特勤寵顧但極感悰

同前

茲承榮縮州符益隆德政阻干賓謁但劇懽悰

同前

茲承已合左符尚分半刺特勤寵顧倍激懽悰

太守謝送生曰訪及
竊以孤矢四方 缺生申之慶弓刀千騎坐勤訪戴
之謙愧荷交深名言奚旣

同前

竊以神蒿生甫大昴儲蕭豈惟藩翰之良時乃邦家
之慶阻奉千齡之酒先勤七寶之茶更屈顧臨彌增
感頌

丁守謝諸司薦訪及

茲審諸臺列荐總計明揚方遲召節之頌先枉使旌
之過其爲欣感交集襟悰

趙守轉官訪及

茲承策勲螺浦增秩潁川未展慶儀先勤盛禮其爲
欣感未易敷云

趙守除利路憲訪及

茲承著龜習吉符節交輝阻慶賓筵第深慝志

趙守子過省月望訪及

茲承鯉庭得攜龍節增華適當旣望之辰過沐先施
之禮其爲欣感罔旣敷宣

郊赦守倅訪及

吉土肇裡溥天賴慶首勤寵顧同激懽悰

丁守被召訪及

欣聞嚴召阻綴賀賓首辱顧存倍深悚感

湯倅轉奉議卽訪及

茲審議卽博士已陟朝班除書德音卽裁帝制禮勸
左顧感極下懷

楊符制訪及

一卦朝衣久停賓謁杜門函屏垣短難於自踰擁騎
光臨鞭長有所不及倍感眷存之意贖裝愧粟之懷

楊閣學訪及

茲審璇宮鳴玉榮超學士之班寶帶兼金寵厚儒臣
之禮賀厦未容於亟往御風已辱於來游快覩爭先
雖有披雲之幸殿犇敢後寧無策馬之慙

贛守張舍人訪及

特屈隼旗阻瞻鷁首雖抱樂且有儀之喜實慙來而
不往之非其在感藏曷勝言喻

黃漕訪及

茲承榮持使節倣拜除書特在芳銜阻干賓謁其爲
愧感未易敷陳

黃經略得祠訪及

茲承穆卜辰良倣均祠逸禮勤左顧感劇中藏

彭常德轉官訪及

茲審奉十行之詔冠六品之陞言念衰瘦阻脩慶謁
先勤寵顧第激懽悰

又轉朝議大夫訪及

茲承榮遷元士特枉芳御屬以抱病阻於造謁其為
欣感未易敷陳

又轉中散大夫回狀

茲審詔頒宸扆階正鄉聯屬以卧痾阻於脩慶特勤
榮問倍激懽悰

廣州胡侍郎統訪及

曲荷台慈俯臨陋巷倒屣喜瞻於芝宇曳裾阻詣於
蘭舟愧感交懷敷宣罔旣

旦望謝訪及

守侔正月望

竊以鷄火中星蠶橐泛粥手旗穿市雖慙輟於鰲頭
御宴傳柑行進陪於班首曲荷顧存之厚就伸頌詠
之私

三月旦

竊以告朔惟時宜民介祉屬養痾於私室阻脩慶於
公門頌詠良深敷宣罔旣

三月三日 是日初送新火

竊以月紀季春燧始鑽而首暨日逢上巳水未禊而先臨念賓謁之無階宜感悚之有甚

四月旦

竊以節紀天祺氣迎夏令當公儀之疊講乃私禮之交脩其在感藏若爲鋪叙

同前

竊以清和應候適當告朔之辰豈第宜民丕受對時之社末由趨慶第切馳情

望日

竊以日臨甲子月滿望舒推豈第以宜民對清和而介祉禮勤左顧感極中藏

五月旦

竊以日未公堂喜來登於農黍風薰廣殿期歸和於帝琴念慶謁之無從辱顧存而有愧

同前

竊以日未慶霄律中蕤賓之朔屺薰樂土福歸慈惠之師屬以抱疴阻於脩謁其爲頌詠罔旣敷陳

六月旦

竊以律應林鍾慶歸良牧屬緣老病阻造公門頌詠

殊深敷宣罔既

七月旦

新秋傲畱阻瞻召伯之崇舊好彌隆特枉魯侯之駕
敬佩謙勤之意交深感作之懷

八月旦

竊以蟾宮生魄熊軾停驂屬此負茲阻於倒屣仰御
眷念俯劇感慚

十月旦

竊以良月應時真賢受祉屬緣老病阻造公門頌詠
徒深敷宣罔既

十一月旦

竊以開藩挾月肇新視朔之儀飛蓋凌晨遠紹顧廬
之誼莫皇造請徒劇感慚

十二月旦

竊以商正奮若秦臘嘉平黃冠正賴於蜡賓阜蓋特
勤於熊軾其為感愧罔罄敷云

十二月望

竊以嘉平旣望秦意將日阻請慶儀弟深善頌

冬年騰雪立春訪及狀

年節太守訪及

竊以月正元日春王三朝瑞先舜牧之班珍奉漢京
之貢阻陪掾史祇遙廂榮但深欣頌之懷莫究願言
之素

同前

竊以象測璿璣斗柄肇回於蒼陸氣調玉燭春風初
入於東郊慶良牧之履端對昌辰而受祉阻干賓謁
徒頌致言

路鈐倅寄居訪及

竊以歲特肇始品物咸新宜集殊禧式符交泰屬緣
軌掃莫獲造門頌詠良深敷陳罔既

太守冬至訪及

竊以衛兵森戟盛陳亞歲之儀野服黃冠莫點初筵
之客方展公坐之慶已勤都騎之臨感愧交并名言
難盡

同前

竊以衛兵盡戟有嚴亞歲之儀野服黃冠莫點初筵
之客遙致錫還之祝允符來復之占謹頌所同敷陳
奚究

同前

竊以黃雲在望何勞魯觀之登白日初長已著晉鄉

之愛諒丕膺於祉福即歸踐於禁嚴屬此杜門阻於
扣闕徒深頌詠莫究願言

同前

竊以潛陽復筦踐小至之昌期陰德及垓膺大來之
多祉况頌閱素高於朝著而考功屢奏於民庸願承
天地之心即上星辰之履阻陪賓席但激懽悰

守倅賀冬

比逢國故茲值陽新阻脩亞歲之儀但祝自天之祐
頌言斯至宣述奚周

倅冬至訪及

竊以潛陽復筦慶景延圭豈弟久孚祺祥允集屬養
痾於私室阻挾刺於公門頌詠攸深敷陳罔既

同前

竊以潛陽復筦欣逢小至之辰荒徑荷鋤阻致大耋之
慶其爲欣頌罔既敷陳

同前

竊以慶日踐長吉人介祉禮勤左顧感極中藏

趙參議

竊以潛陽復筦欣逢小至之辰衰疾負茲阻致大耋
之慶先勤華翰備誌摛謙願承天地之心永受子孫

之養其為欣頌罔既敷陳

回太守賀臘雪

竊以春元將屆頒銀信於嚴宸臘雪先飛留金撻之大惠未展黃堂之慶乃勤阜蓋之臨愧感交懷敷宣罔既

同前

茲以臘雪應期豐年兆瑞臨存甚寵欣感交懷

同前

茲以嘉平紀月徽密應期阻蓬梁園首臨袁戶其為欣感未易敷云

謝太守立春日訪及

竊以下寬大之書初行春令底循良之績即慶璽書過辱顧存第深頌感

同前

竊以芳春甫屆瑞雪先飄諒和氣之素充致嘉祥之併集特勤迂顧倍切欣榮

謝太守移厨狀

謝楊守方移厨

竊以白屋始開許携於嘉醞黃童爭看共掃於漁磯永春言待之殊倍切感慚之至

同前

茲者特飾行厨首陪式燕設一宿之醴良愧穆生合
五侯之鯖更慙樓護不皇往拜徒切歸仁

同前

竊以秩衛武之初筵儀方柳柳設穆生之耳酒礼過
區區柱竹裏之行厨轉茅簷之冬日其為愧感固究
名言

謝上元移厨

特枉行厨許陪坐席煥華燈於俎豆加餘惠於輿臺
念往拜之不皇弟懷慙而無已

丁守移厨

茲承駟召鼎未未陪偉餞隼旗狎至先啓華筵愧感
交懷敷宣奚旣

趙守移厨

特勤車騎光賁草茅醞設穆生厚甚元王之意饌携
嚴戶缺然杜老之歡感愧交深敷宣曷旣

十月移厨

竊以冬日破寒已賴晉卿之可愛行厨治具更勤蜀
戶之交歡所愧西都之賓莫酬東道之主寸心易感
尺牘难周

謝趙守相過賞花

花開紅紫已賴春風轂駐朱丹特勤都騎無杜老交
歡之萬一辱准陰旨過之再三感愧懷蕪敷陳曷喻

答趙守投謝狀

野藪山肴期摻思人之袂繡衣金節生勤銜神之書
愧感交懷名言莫盡

趙守移厨

茲承已拜使華未伸餞礼先勤治具益厚交情感愧
于中敷陳奚既

鄭倅權郡移厨

竊以居類少陵鄒江頭之草送礼加嚴戶簇竹裏之
行厨有華白板之扉無愧黃樓之會永言謙施倍激
感悰

權守移厨

託粉榆之杜未展必恭近萸菊之辰先勤致敬有華
車從預戒食期雖盛礼之唯當顧清談之願聽惟慙
飯顆莫稱侯鯖坐深愧感之懷仰冀融明之照

權守開樂移厨

久辱鄭莊之眷置駟馬以請賓今歌衛武之詩設鼓
鍾而飲酒愧匪有名之士輒當初秩之筵礼遇滋隆

感慙交集

謝移厨後訪及

竊以枉駕四筵已慙盛札飛緩三顧尤佩勞謙阻修下客之恭但積中心之感

同前

疊枉旌僮寵臨蓬蓽旣屬饜於盛德仍敬佩於勞謙往拜不皇懷慙滋甚

同前

竊以獻南岳之朔正慙鼻祖置長安之駟幸際耳孫旣莫稱於百籩復屢勤於十騎茲為悚感豈易敷云

謝訪別狀

楊守方任滿訪別

竊以黃霸再臨人後八年之久仲尼旣用政成期月之間何統鼓之與歌已驪駒之趣駕自愧垂車之老阻陪卧轍之毗帳恨于中諭言曷究

王倅淹任滿訪別

茲承監州底蘊解印還朝屬此屏居阻於祗餞過勤別刺倍極感悚

張憲刻行邵訪別

時在使車寵貽別刺屬養病於蓬戶阻祗餞於津亭

愧悚交懷敷宣罔既

彭守漢老赴常德訪別

茲承之藩卜吉擁騎告行方事樂囊莫陪祖帳其為
感愧罔既敷陳

斛侔倍赴調訪別

茲承入朝天闕訪別草廬久抱微痾阻陪偉餞其為
悚感罔既敷陳

趙憲善鑲赴利路訪別

茲承邛邛以馭欲繼昔賢驪駒在門莫留去轍載披
別刺祇動離情

梁守京奉祠訪別

聯事熊湘嘗記子孫之契持麾螺浦幸依父母之邦
承歸奉於真祠阻追參於偉餞其為悵戀罔罄敷宣

湯侔任滿訪別

竊以邦國不空功成別駕驪駒在路歌動諸生坐深
賀下之情行聽留中之詔特勤營從倍激感悰

胡侍郎絃經從訪別

瞻鳥在岸禮已闕於將迎浴鳳于池勢方殊於隱顯
三復氷銜之辱載深芒背之慙

周益文忠集五十七 平園續稿卷第十七

